

ХАМТРАН АЖИЛЛАХ САНАМЖ БИЧИГ

2025 оны 04 дүгээр
сарын 14 -ний өдөр

№ 25/06

Хангайн бүс

Энэхүү Хамтран ажиллах санамж бичгийг (цаашид “Санамж бичиг” гэх)

Нэг талаас: Улаанбаатар хот, Сүхбаатар дүүрэг, 1 дүгээр хороо, Олимпийн гудамж, 12/1, Очир центр, 5 давхар, 505 тоот хаягт байрлах “Аялал жуулчлалын мэргэжлийн холбоо” нийтийн эрх зүйн хуулийн этгээд (РД: 8398801, цаашид “Нийтийн эрх зүйн хуулийн этгээд” гэх), түүнийг төлөөлж, Дэд Ерөнхийлөгч О. Мөнхнасан;

Нөгөө талаас: Архангай аймгийн Засаг даргын тамгын газар, цаашид “ААЗДТГ” гэх) түүнийг төлөөлж, Засаг Дарга Б. Цэрэннадмид нар дор дурдсан нөхцөлөөр байгуулав.

Нэг. Нийтлэг үндэслэл

1.1.Энэхүү Санамж бичгийн зорилго нь талууд Монгол Улсад аялал жуулчлалын салбарыг бүсчилэн хөгжлүүлэхэд хамтран ажиллах, Архангай аймагт аялал жуулчлалын чиглэлээр тулгамдаж буй асуудлыг шийдвэрлэх чиглэлд хамтран ажиллах, Архангай аймагт аялал жуулчлалаар хүлээн авч буй жуулчдын тоог нэмэгдүүлэх энэ төрлийн үйл ажиллагаанд аймгийн аялал жуулчлалын оролцогчдийн оролцоог нэмэгдүүлэх, тэднийг чадавхжуулах, идэвхжүүлэхэд оршино.

1.1.Энэхүү Санамж бичгийг хэрэгжүүлэхэд Монгол Улсын Их Хурлын 2024 оны 06 дугаар сарын 05-ний өдрийн монгол улсын бүсчилсэн хөгжлийн үзэл баримтлал батлах тухай № 64 тоот тогтоолд заасны дагуу, аялал жуулчлалын холбогдох бусад хууль тогтоомж, эрх зүйн актыг тус тус баримтална.

Хоёр. Хамтын ажиллагааны үндсэн чиглэл

2.1.Талууд санамж бичгийн хүрээнд энэхүү зүйлд заасан үйл ажиллагааг хамтарч хэрэгжүүлнэ.

2.2.Санамж бичгийн хүрээнд Нийтийн эрх зүйн хуулийн этгээдийн зүгээс хэрэгжүүлэх арга хэмжээ, үйл ажиллагаа:

2.2.1. Архангай аймагт аялал жуулчлалын урсгалыг нэмэгдүүлэхэд шаардлагатай төрийн бодлого, эрх зүйн баримт бичиг боловсруулах, батлуулахад дэмжлэг үзүүлэх;

2.2.2. Архангай аймагт аялал жуулчлалын үйл ажиллагаа явуулахад шаардлагатай мэдээлэл болон холбогдох эрх зүйн актын талаар мэдээлэл өгөх, түүний талаар танилцуулгыг хийх;

2.2.3. Аялал жуулчлалын үйл ажиллагаа шаардлагатай төрийн дэмжлэгийг үзүүлэхэд аялал жуулчлалын асуудал эрхэлсэн төрийн захиргааны төв байгууллагатай хамтран ажиллах;

2.2.4. Аймгийн аялал жуулчлалын судалгаа, дата мэдээллийг хамтран гаргах;

2.2.5. Хүний нөөцийг чадавхижуулах, хөгжүүлэх ажлын хүрээнд мэргэжлийн сургалтыг төрөлжүүлэн хамтран зохион байгуулах;

2.2.6. Архангай аймгийн аялал жуулчлалын холбооны үйл ажиллагааг дэмжин ажиллах;

2.3. Энэхүү санамж бичгийн хүрээнд Архангай аймгийн зүгээс хэрэгжүүлэх арга хэмжээ, үйл ажиллагаа:

2.3.1. аймийнхаа аялал жуулчлалын үйл ажиллагааг зохион байгуулах, боловсронгуй болгоход өөрийн аймаг, орон нутгийн онцлогийн талаарх мэргэжлийн дүгнэлт, зөвлөгөөг тухай бүр боловсруулах, шаардлагатай тохиолдолд тэдгээрийг Нийтийн эрх зүйн хуулийн этгээдэд болон холбогдох төрийн байгууллагад танилцуулах;

2.3.2. өөрийн аймагт аялал жуулчлалын бүтээгдэхүүн, үйлчилгээг төрөлжүүлэх хөгжүүлэх санал, санаачлага, холбогдох судалгааг боловсруулах, сайжруулах, танилцуулах, хэрэгжүүлэх;

2.3.3. хангайн бүсийн бренд бүтээгдэхүүн, эвент арга хэмжээг аялал жуулчлалын бүтээгдэхүүн болгоход хамтран ажиллах, аялал жуулчлалын тухай хуулийн 23.1.7-д заасан заалтыг хэрэгжүүлэхэд хамтран ажиллах;

2.3.4. байгаль орчин, эко аялал жуулчлалыг хөгжүүлэх, бүх нийтийн аялал жуулчлалын боловсрол олгох ажлын хүрээнд хамтран контент бүтээх ;

2.3.5. Аялал жуулчлалын салбарын стандартыг таниулах, хэрэгжүүлэх, шинээр боловсруулагдаж буй стандартууд дээр санал авч хамтран ажиллах;

2.3.6. Монгол Улсыг сурталчлах түлхүүр үг болох "Go Mongolia" "Go Mongolia Always Moving" өөрийн аймагт сурталчлах, аялал жуулчлалын болон бусад төрлийн аливаа үйл ажиллагаанд тогтмол хэрэглэх, сурталчлах;

2.3.7. Хангайн бүсийн аялал жуулчлалыг хөгжүүлэхэд үр өгөөжтэй шинэ төсөл хөтөлбөрийг хамтран санаачилж, ерөнхий чиглэл, цар хүрээ, дэвшилтэт санаа, үр дүнгийн талаар санал мэдээлэл солилцох, харилцан тохиролцох;

2.3.8. аялал жуулчлалаар аялж буй жуулчдын аюулгүй байдлыг хангах, үүнд тухайн орон нутгийн Цагдаа, Онцгой байдал болон холбогдох бусад байгууллагатай хамтран ажиллах, тэднийг оролцуулах.

Гурав. Ажлын удирдлага зохион байгуулалт, хариуцлага

3.1. Талууд энэхүү санамж бичгийн 2.2, 2.3-т заасан арга хэмжээний хүрээнд хэрэгжүүлэх тусгайлсан үйл ажиллагаа, түүний төлөвлөгөө зэргийг энэхүү санамж бичгийн хавсралтаар баталж болно.

3.2. Талууд энэхүү санамж бичгийн хүрээнд хэрэгжүүлэх үйл ажиллагааны удирдлага, зохион байгуулалтын асуудлыг харилцан зөвшилцөж, хамтран ажиллах бөгөөд шаардлагатай тохиолдолд ажлын хэсэг байгуулан ажиллана.

3.3. Хамтын ажиллагааны явцад аль нэг талын гишүүнээс гомдол гаргах нь Санамж бичгийг цуцлах, хүчин төгөлдөр бус гэж тооцох үндэслэл болохгүй бөгөөд гомдлыг эвийн журмаар зөвшилцөж шийдвэрлэхэд талууд хичээж ажиллана.

3.4. Санамж бичгийн хэрэгжүүлэх явцад талуудын аль нэгэнд хохирол учирсан тохиолдолд талууд тухайн хохирлыг боломжит хугацаанд хамтран барагдуулах (аль нэг талын санаатай буруу үйлдлээс болсон тохиолдолд тухайн буруутай тал) бөгөөд энэ нь санамж бичгийг хүчин төгөлдөр бус гэж тооцох, эсхүл шууд цуцлах үндэслэл болохгүй.

3.5. Талууд санамж бичигт дурдсан асуудлын хэрэгжилтийн явц, биелэлтийг харилцан мэдээлж, хэрэгжилтийг хангах арга хэмжээ авч ажиллана.

3.6. Талууд Санамж бичгийн тухайн жилийн биелэлтийг жил бүрийн 12 дугаар сард багтаан дүгнэнэ.

Дөрөв. Талуудын холбоо барих хаяг

4.1. Талууд санамж бичигтэй холбоотойгоор харилцахдаа доорх хаяг мэдээллийг үндэслэнэ.

4.1.1. Нийтийн эрх зүйн хуулийн этгээдийн мэдээлэл

а) Утас: 99030928

б) Цахим шуудан: info@mta.mn

в) Харилцах этгээд: Нийтийн эрх зүйн хуулийн этгээдийн Гүйцэтгэх захирал М. Нарангэрэл

4.1.2 Архангай аймгийн Засаг даргын тамгын газар

а) Утас: 99074151

б) Цахим шуудан: tsernee0109@gmail.com

в) Харилцах этгээд: Архангай аймгийн Засаг дарга Б. Цэрэннадмид

4.2. Хэрэв талуудын аль нэг нь энэхүү санамж бичгийн 4.1-т заасан мэдээлэлдээ өөрчлөлт оруулах бол нөгөө талдаа ажлын 14 хоногийн дотор аливаа хэлбэрээр мэдэгдэж баталгаажуулна.

4.3. Санамж бичгийг талууд 2025 оны 04 дүгээр сарын 14-ний өдрөөс 2028 оны 04 дүгээр сарын 14 -ний өдрийг хүртэл 3 (гурван) жилийн хугацаатай байгуулав.

4.4. Энэхүү санамж бичгийн хугацааг талууд харилцан тохиролцон сунгаж болно.

4.5. Талуудын удирдлага өөрчлөгдсөнөөс үл хамааран Санамж бичиг нь үйлчлэх хугацааны туршид хүчин төгөлдөр байна.

4.6. Энэхүү Санамж бичгийг 2025 оны 04 дүгээр сарын 14-ний өдөр Монгол хэл дээр 2 хувь үйлдсэн бөгөөд эх хувь тус бүр нэгэн адил хүчинтэй байна.

САНАМЖ БИЧИГ БАЙГУУЛСАН:

АЯЛАЛ ЖУУЛЧЛАЛЫН МЭРГЭЖЛИЙН
ХОЛБОО НИЙТИЙН ЭРХ ЗҮЙН ХУУЛИЙН
ЭТГЭЭДИЙН ДЭД ЕРӨНХИЙЛӨГЧ



АРХАНГАЙ АЙМГИЙН ЗАСАГ
ДАРГА

Б. ЦЭРЭННАДМИД